

Wosi Phawulosni wosiya Filmonanik Gachgiru

Filmona arto kiristana; Qolasiyasni betekiristaniissi fe baassoneen ane feenamatotu biistefa. Filmona Onesmos yiste bozba feer. Es wostinynyaas daambaaskin kesse hamna kaba taatoni keer fe Phawulosneen uphe. Phawulosniki kamo Onesmos kiristinnani amantooson ephphete. Phawulos Filmonaniki tichina wosiyaas Filmona wolle barki yeere ganonak besifar. Es baristan dey hash Onesmos kiristana sinna boor'a hawungneen ekalo kiristana aynimato ephphetoonaktano boznimato faadunoynamato make.

Matsafaas Siruk Ephna Ephobaas

Gachgiru 1-3

Phawulosni galata Filmonanik 4-7

Phawulos Onesmosni chowaasik zaggire shi-
iphe 8-22

Koor'uba 23-25

¹ Kiristoos Yesusni chowaasik taato sina Phawulosnikinnawa ayni sina Ximotiyosnikinna; shunto aynisiknawa innoneen ane wostefe Filmonanikna:

² Esiisimato dey neeki keer zuuttese fe amanynyini meyak eetni sina Afibiyak innoneen ane Kiristoosni meya taar'o sina Arkiphanik;

³ Aba Ha'oniiskin; Daamni Yesus Kiristoosni ot-maasewa nagaase nittok sinfawung.

Filmonani Keeshtanneewa Amantone

⁴ Shiiphonaasik neen safaret wonna wonna Ha'onaason galattefawungwa.

⁵ Daamni Yesusniista fa amantonesewa amanyinyini meyak fa keeshtanneese asin odengwa.

⁶ Kiristoosnir sinniisik danni ma'a wuzaas zu-uttera ammanon arutak amantoneeson oomni meya haa'ak chimatak shiiphefawungwa.

⁷ Aytaaso! Amanynyini meeni nibaas neyista beysa danna boor'a keeshtanneestan taak akama giranewa chimne daningwa.

Phawulos Onesmosni Chowaasik Wolle

⁸ Es bari boor'a wostoneeson koi'suwa yira neen ajajok Kiristoosniki kamo chima daningwa.

⁹ Sinfanaknu es baron zagustan Yesus Kiristoosni chowaasik taato sina ta kur'u Phawulos keeshtanak shiiphosontu sholefawungwa.

¹⁰ Ta taatoni keer faagedo danna naata sina Onesmosni chowaasik neen shiiphefawungwa.

¹¹ Zeemo sinak Onesmos neek ke'nor sinne feer; sinuntano hash neeknen taakneen ke'nirwa.

¹² Barin neeki wolgira wosingwa; barin neeki wosinaas ta nibaasi safaranon zaguni asunin zagiratu faadifawungwa.

¹³ Misirachchuni kaamaasi boor'a taatera faana kabaasik ne edde sinne taan argasunak bar taneen ane feefaanane girona kabawa.

¹⁴ Sinuntano ne zagifata ma'a wostoos shunaktano giddik sinnoynamato iyaat neneen ane merkonoy isa wuzane zaguk aane sholotwa.

¹⁵ Onesmos garo wonniron neyistan oor kesnaas awuzakne hawungneen ekalo neyistan oor kesnoy neneen ane foona sinanawa.

¹⁶ Sinuntano hawungneen ekalo bar neneen ane foonaas boznimato sinnoynaron boziisatan denalo shunto ay sinnewa. Bar taak shunto aytawa; sinuntano ashak feena kabaasik wostefena wostoos neek ke'nir sinna boor'a ayyanabaasik dey Kiristoosniki kamo ayne sinna boor'a neek arkiron shuntowa.

¹⁷ Ese taan ay zagira faaditannen barin dey tane feer zagira ephphatowa.

¹⁸ Bar neen miir'ena wuza wedey kowa faafaanane tayista faaduwa.

¹⁹ Ta Phawulos kowaason neek kaasuna yira kushunaasik neek tichingwa. Sinfanak kaaneesi chowak nenu teetneesik ta kowa neyista faanamato ta neen yaadassunak aane sholsifawa.

²⁰ Ese aytaaso! Han ma'a wuzason taak zagutak Daamiisa sunak shiiphefawungwa. Adarawa Kiristoosniki kamo nibnaasik beysa imaywa.

²¹ Han baron neek tichinaas ma'i utar sinneeson amanefaatwa. Ta neen mamsinaastan denalo zagutamato arifawungwa.

²² Es baristan denalo Ha'oos shiiphontiison odera nittoki yoonak zagunak abdina faar sinna boor'a beysa ephana keya taak hoossuwa.

Koi'ni Nagani Ooshsho

²³ Kiristoos Yesusni boor'a taneen ane taatere fe Ephphafira neek naga wosiwa.

²⁴ Esiisimato dey taneen ane wostesefe meya: Marqos, Aristirokeos, Deemasnawa Luqasna naga neek wossetewa.

²⁵ Daamni Yesus Kiristoosni otmaas nittoneen
ane sinfawungwa.

Gaddo Teyya
The New Testament in the Yemsa language of Ethiopia,
Latin script

copyright © 2025 The Word for the World International

Language: (Yemsa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-06

PDF generated using Haiola and XeLaTeX on 5 May 2025 from source files dated 6 May 2025

7608a66e-9602-5623-89f0-436ebf008df3